

314.1-11



BZ=1

DE HOMINIS, ET DEI
PHILOSOPHIA
PROPOSITIONES

QUAS

IN UNIVERSITATE BRAYDENSI SOC. JESU

Publice propugnandas proponit

D. CAROLUS CALDARA

PARTHENIÆ ARISOPHORUM ACADEMIÆ

ASSESSOR EMERITUS.



MEDIOLANI) MDCCLXX.

Apud Joseph Mazzucchellum in Typographia Malatesta.
Superiorum permissu.

THE UNIVERSITY OF CHICAGO
PAUL O. PETERSON
PROFESSOR OF HISTORY

THE UNIVERSITY OF CHICAGO

PAUL O. PETERSON

PROFESSOR OF HISTORY

CHICAGO, ILLINOIS



UNIVERSITY OF CHICAGO

PAUL O. PETERSON
CHICAGO, ILLINOIS



Omo nobis traditur excolendus neque infans, neque Philosophus; cui memoria, ratio, idioma ex usu quidem naturali jam est; ars vero nulla veritatis certo discernendæ, demonstrandæ, errorisque vitandi. Quare non immerito a CCl. Formey, Gerdilique commonemur, ne studio novitatis abrepti Logicam, ut ajunt, artificiosam, tamquam obsoletum Philosophiæ aditum negligamus; cum inde potius constare Philosophia omnis debeat; ipsaque adeo penitior Psychologiæ analysis, quam Recentiores aliqui præmittendam esse contendunt. Si quid autem ex Ontologia, aut Psychologia mutuatur Logica; id erit principium aliquod nemini dubium, longeque clarius præterito infantis statu, ac prima idearum collocatione, quam nova Methodus præcoci, irritoque Tyronum conatu pervestigat. Demum Logices ipsa, concludit Formey, *vous garantit, qu'en tems, & lieu les principes, qu'elle emprunte, reparoîtront duement démontrés; ou plutôt les Sciences mêmes, qui les lui prêtent, sont sa caution, & degageront sa promesse.* Torn. 1. Abreg. d. Scienc.

EX LOGICA.

I. **D**uplex Logicæ pars distingui solet, theoretica nimirum, & practica, quam alii rectius disceptantem appellant. Ad theoreticam spectat: 1. Ideas, & idearum proprietates recensere, judicia sua in classes tribuere; multiplicem identitatis, diversitatis, coexistentiæ relationem distinguere; tum ratiocinationis vim omnem expendere, & ratiocinationum varietatem ad simplex invictumque principium revocare: 2. Potiorem Grammaticæ supellectilem expeditæ ad sensus animi rite aperiendos, interpretandos: 3. Fontes de-

4
mum erroris præcipuos detegere, & quibus par est præceptis emendare. In his equidem pertractandis P. Buffier *Contr. des Scieñc.* potissimum usus sumus, quo quidem uti non dedignantur *Encyclopædita* artic. *Logique*, artic. *cognition*, &c. alibi.

II. Luculentior est altera Logicæ pars, quæ totius humanæ certitudinis fundamenta, seu communes, ut ait Tullius, Philosophiæ locos disceprando ita perpendit, ut efficiens Scepticismum æque ac stupidam caltiget credulitatem. Errat ergo Auct. lib. *Pirrhonisme du sage* cum hominem de sui solum, & actuum suorum existentia certiores pronuntiat: complures enim alias certo assequimur veritates, quarum nobis criterium est Evidentia.

III. Cum vero evidentia duplex sit, immediata scilicet, atque mediata; contra Huetium defendimus ab illa quidem semper, ab hac identidem in re metaphysica methaphysicam haberi certitudinem.

IV. Ab argutiolis Idealitarum, quas Berkeley, & nuperimus Hume subtexunt, Evidentiam sensuum vindicamus: iudicium propterea de plurium corporum existentia, & varietate physice nobis certum est.

V. Inductio completa demonstrationis in genere suo perfectæ vim tenet; eandemque sæpius in Mathematicis disciplinis retinet inductio licet incompleta. Sed hæc in Physicis infirmatur, non ita tamen, ut nobis certo inferre non liceat mundum hunc adspectabilem constanti, & uiformi legum ordine gubernari. Ad ejusmodi leges rite explorandas optima profert Boschovichius in *Theor.*, & *Append.*

VI. Sua inest humanæ auctoritati certitudo plena atque perfecta, cognomine Moralis: ea donari illustre factum asserimus, quod testes oculares numero plurimi, natione, ætate, studiis, religione, diversi, ac totam veluti societatem hominum referentes enarrant, quin ejusmodi certitudinem imminuant calculi, & supputationes Angli cujusdam in *Trans. Phil.* memoratæ.

VII. Quæ quidem omnia stant, quamquam factum supernaturale videatur; secus ac velint Rousseau, Auct. lib. *Pensées Philosophiques*, Hume, alique id generis.

VIII. Utrumque factorum genus oculari, quod diximus, testimonio firmatum, potest ad loca subinde, & sæcula utilibet remotissima, nullo certitudinis detrimento propagari. Idoneum vero propagationis medium esse potest: 1. Oralis Traditio: 2. Historia: 3. Monumenta. Quare ex arte Critices legitimas primo cujusque medi conditiones definimus, tum fidem protegimus calculo iterum, cavilloque Scepticorum plurimo circumventam.

IX.

IX. Plerumque fit, ut ab expensis Philosophiæ locis neque nulla, neque sufficientia eluceant veritatis indicia; sed vel ex certis incerto, vel certo ex incertis cognitiones inferantur. Hos inter ignorantis, scientiæque limites probabilitas amplissime dominatur, major quidem vel minor, prout ad finem alterutrum accedit magis.

X. Missis ergo differentiis, quæ vel nullæ, vel subalternæ sunt; alia nobis est probabilitas positionis, suppositionis alia. Illa identidem in sola eventuum similitudine experientia innititur: hinc dantur theses eatenus solum probabiles, quatenus earum momenta in similibus circumstantiis sæpius consenserint veritati.

XI. Identidem cum experientia conjungitur manifesta ratio pluralitatis eventuum: hinc dantur theses aliæ, quarum probabilitas & probabilitatis gradus rigide demonstrantur. Locupletissima nobis exempla in re medica, rustica, politica, militari, in ludis, & mercatura sufficient s' Gravesand, atque Bernoullius.

XII. Ad suppositionis probabilitatem requiritur, 1. quod hypothesis neque principio, neque factis melius cognito refragetur: 2. quod effectibus satisfaciatur, quibus explicandis fuit hypothesis exco- gitata: 3. hinc in re saltem Physica, ubi cetera sint paria, probabilitas systematum erit in ratione directa simplicitatis eorumdem. Cautius tamen hypothesebus indulgendum; problema namque est: damni ne, commodi ne plus inde perceperit Philosophia. Sic in methodo systematica quantum satis versati ad Synthesim, & Analysisim progredimur.

XIII. Sunt qui pro analysisi una, tamquam pro aris & focis depugnaverint. Attamen jure statuit Changeux, quod si minus ad veritatem investigandam, saltem edocendam neutra methodus semper erit utilior altera; neutra ideo eliminanda.

XIV. Quodcumque fuerit magisterium, concludit Formey; facili- ora, clariora semper antecedant, ut difficilioribus, quæ sequun- tur, lucem affundant. Quare ut Physiologiam ante Pycnologiam pertractemus, præter illa complura ab Haller in *Prodrom. ad Phys.* producta, movet nos plurimum auctoritas Bonneti, qui postemen- sam Physicam Analysisim iterum lib. *Contempl. de la Nat.* pronuntiat: *Jamais on ne réussira mieux à diriger l'homme, que lors qu'on partira du Physique de sa Constitution. C'est toujours par le Physi- que, qu'il faut passer pour arriver à l'Âme.*

-anip

EX PHYSIOLOGIA:

XV. **E**lementa humani corporis sensibilia persequitur primum Physiologia: duplex ergo fibrarum genus, *stamina* videlicet, ac *laminae* solida omnia humani corporis constituunt: fibras vero ipsas terra potissimum, & gluten ex aere, aqua, oleoque constarum.

XVI. Vasa sanguinis sunt cor, arteriae, venaeque, quarum utrarumque systema tamquam duo coni concipi debent, apicem in cor, basim ad extima corporis protendentes, utrobique communicantes adeo, ut sanguis a corde in arterias, ex arteriis in venas, & ad cor iterum motu continuo circumferatur.

XVII. Hujusce circulationis causa potior non est arteriarum contractio, neque vasorum capillarium attractio, neque vis eorundem, vibratilis, neque demum activitas caloris, aut aeris ex calore se se expandentis; sed alterna cordis actio, quam systolem, atque diastolem vocant.

XVIII. Vasa aeris sunt trachæa, atque pulmones; ubi sanguis licet non frigidior, perfectior sit tamen; conteritur enim, exhalat, fluiditatem acquirit, cum aere novo commiscetur, a quo rubrum etiam calorem habet.

XIX. Attamen sanguis, aut cor non sunt activa respirationis organa, sed in statu naturali sunt abdominis, ac thoracis muscoli, & diaphragma; in statu violento muscoli quandoque pulmonales. Singulares hic respirationes explicamus, nullum videlicet, oscitationes, anhelitum, suspiria, singultusque &c.

XX. Sanguis ita perfectus fluida omnia humano corpori impertitur ad notas quatuor species revocanda: ex his porro lymphæ præcipuam solidorum nutritionem præstat.

XXI. Secretionem glandulis ubique fieri falsum est. Nam præter humores coagulabiles, absque ulla intermedia machina fecernitur inflammabilis, adeps. Itaque mira ejusdem phaenomena, de quibus clat. Viri desperaverant, feliciter explicantur. Rationem equidem ignoramus, quæ multiplex secretionis organum operetur.

XXII. Sanguis secretionem exhaustus ciborum digestionem reparatur. Hanc in hominibus, ceterisque membranosis stomachi animalibus succi potissimum efficiunt: attrita contra digerunt, beitiæ reliquæ musculari ventriculo donatæ.

XXIII. Instrumenta sensuum sunt nervi, seu cerebri propagines per corpus fere totum diffusæ, aliterque adeo temperatæ, ut solennes quin-

quinque sensuum classes constituent. Omnes tamen fluido subtilissimo, maximeque actuoso irrigantur, quod in cerebro elaborari, indeque per nervos circuire non improbabile est.

XXIV. Hoc autem fluido motiones externis sensibus impressæ ad intimum, & commune cerebri sensorium propagantur. Quod nisi fiat, nulla ullibi habetur sensatio.

XXV. Immediata igitur sensationum omnium organa in uno cerebro sunt; mediata reliqua in corpore.

XXVI. Instrumenta imaginationis non alia sunt, quam quæ immediata sensationis dixerunt; dummodo in iisdem, quod sæpe fit, inducta a præviis sensationibus immutatio aliqua perseveret.

XXVII. Quemadmodum, sentiente animo, fibræ internæ ab externis, sic animo vividius imaginante, externæ ab internis motu analogo permoventur. Atque hinc naturale affectuum idioma, morbi, nævi, aliæque in corpore imaginantis phænomena mira promanant.

XXVIII. Immo nævos etiam aliquos a materna imaginatione contrahunt foetus.

XXIX. Instrumenta motuum sunt muscoli, ad vitales alii; alii ad voluntarios efficiendos destinati. Ad voluntarios quod attinet, verosimile nobis est musculos in statu suo naturali pollere immechanica vi contractili, quæ a stimulo irritata eorundem actionem præstet. Stimuli autem loco fluidum nerveum haberi potest. Sic stare Physicum hominem intelligimus. Restat ut præcipuas ejusdem vices persequamur.

XXX. Somnus status est hominis, in quo vitales operationes leutescunt; animasticæ communiter cessant. Vigilia status est huic oppositus.

XXXI. Somnia naturaliter habita sequuntur physicam imaginationis legem; neque tamen ab immediato sensationis motu debent usque determinari. Denique communior somniorum recordabilium causæ fere pendet a mediocri spirituum animalium per cerebri fibras influxu.

XXXII. Ut somnus & vigilia, ita fames atque sitis periodicam a corpore causam habent. Illa potissimum a mutua sensilium, quæ in ventriculo sunt, plicarum vellicatione repetenda est: hæc vero ex defectu salivæ, aliorumque humorum fauces, æsophagique membranam irrigantium.

XXXIII. Incrementum, status, decrementum hominis a multis adeo

8
adeo causis existunt, ut satius ea fuerit describere, quam in disputationem vocare.

XXXIV. Statuæ tamen hominis, ac ceterorum fere animalium lex quædam proceritatis præscripta est, speciem quamque suos intra limites continere solita, quibus propterea insigniter transgressis, monstrorum idea, & mensura desumpta est. Fines ejusmodi cuique proprios historia naturali duce persequimur. Non exiguos esse homini statuendos probat præter alias procera Petagonum gens.

XXXV. Quid de bipidis, aut quadrupedis statuæ modo? Homo communiter bipes incedit; tripes non raro, vel quadrupes scipionum, aut fulciminis alterius usu; vix unquam obrepit pronus. Ergo statuæ bipes, aut erecta multipes magis est naturalis homini, quam reptilis recurva.

XXXVI. Longævissima inter animalia homo naturaliter esse potest, ut injustæ propterea sint de vita brevi querelæ. Quæ longævitati conducunt, ex ipsa quæstione colligimus.

XXXVII. Mortis humanæ signum præsens, certumque non est quies cordis, neque sanguinis coagulatio, neque ad stimulum omnem insensibilitas, aut nulla musculorum irritatio, neque rigor, aut membrorum commune frigus, neque ipsa putredinis inchoatio. Retius signorum horum conjunctio, & incrementum jube de certa morte definiunt, eoque spectant sanctissima super humationis tempore juris utriusque decreta. Quid vero mors ipsa? Aut quid vita mortis contraria?

EX PSYCOLOGIA.

XXXVIII. **V**itam hominis constituit ille, qui ne dum inest corpori, sed physice conjungitur animus; & cujus naturam ab effectibus quamprimum aggredimur explorandam.

XXXIX. Huic interim conjunctioni neque causarum occasionalium hypothesis, neque præstabilita Leibnitii harmonia satisfaciunt.

XL. Tournemini, seu potius D. Augustini systema tamquam præ ceteris probabile defendimus.

XLI. Ex eo pronum est sensationes, & simplices imaginationes animi explicare. Cohærenter ergo dicimus 1. Utramque esse animi modificationem a diversa earundem fibrarum commotione determinatam: 2. Intimum vero doloris sensum a congruo, vel incongruo ejusdem organi motu pendere: 3. Quæ inter ipsas sensationes, vel ipsas

9
ipsas inter imaginationes habetur differentia intensiōis, eam a quantitate motus; quæ specifica habetur differentia, eam a diversitate fibrillarum proficisci: 4. In utraque demum modificatiōe animum non pati solum, sed etiam agere. Activa est ergo animi ad sentiendum, & imaginandum capacitas.

XLII. Idea apud nos est imago rei, quæ cognoscenti animo obversatur. Naturam ideæ simplicis definire stultum est: compositas per analysim resolvere, & mentis activitatem gradatim se se explicantem agnoscere utilissimum. Accomodas ad id hypotheses excogitarunt Maupertuisius, Condillac, Bonnet: ex his modo pauca.

XLIII. Finge animum corpori adeo conjunctum, ut sensuum omnium sit expers: ideis ne, aut quibus nam gaudebit ille? Omnino nullis.

XLIV. Unum jam illi sensum concedamus, sensationemque unam. Quid inde animus? Modificabit se se, modificatiōnem experietur suam. An veluti a corpore determinatam? Affirmant Boscovichius, & Vernej: negant Condillac, atque Bonnet, quo jure inductionis non video; nodus a nodo unionis pendet; sed hunc postremi investigare refugiant.

XLV. Altera accedat animo vel ex eodem, vel ex alio sensu diversa notabiliter sensatio. Hæc primæ imaginationem revocat; ex hac revocatione enascitur novitatis sensus, ac reminiscencia. Si reminiscitur animus, judicat, ratiocinatur: sed etiam cum utroque actu se se identificans personalitatis sensum acquirit, statum alterum alteri præfert appetendo, aversandoque; quin & attendere, sensumque successiōis, durationis, voluptatis relativæ, harmoniæ alicujus adipisci; & quod caput est, simplices ideas pro diversitate objectorum distinguere, componere, sensiliquæ abstractioni assuescere: inter hæc ideæ plures quoad figuram, distantiam, motum, aliasve corporum relationes enascuntur, quantocius sensationes multiplicentur.

XLVI. Sed nulla major progressio, quam ex usu signorum: inde enim imaginatio, reminiscencia, compositio, abstractio faciliores evadunt: hinc quotquot attingimus idearum capita, in immensum excrescere, ad abstractionem usque sublimiorem promoveri. Sed cum signorum inventio, atque ordo signorum usum mirifice adjuvent; patet propterea quantum interfit in idonea societate educari.

XLVII. Hisce adjumentis instructa mens ad hanc, illamve idearum classem attentionem inflectens vim reflexionis exercet: abstrac-

etas

Etas cum abstractis, sensibiles cum insensibilibus, & vicissim confert, infert; atque ita notiones causæ, substantiæ, essentiæ, modorum, contingentis, & necessarij, corporei, & incorporei, creaturæ, & Creatoris, spatij, temporis, motus absoluti, & relativi, immensi geometrici, & metaphysici, felicitatis, perfectionis, pulchritudinis, omnia demum scientiarum atque morum principia informat. Quarum notionum omnium analysim instituimus; & singillatim de pulchritudine generali, de qua multa adeo Loke, P. André &c., eamque deprehendimus pendere ex claritate, varietate, unitate percæptarum relationum in finem delectabilem conspirantium.

XLVIII. Nullæ igitur idæ innatæ, aut Divinæ essentiæ medio juxta hypothesim Malebranchianam acquisitæ.

XLIX. Facultates autem, unde multiplex, quem evolvimus, animi status, id commune habent, ut omnes activæ sint, incorporeæ omnes, licet omnes ab usu sensuum pendeant.

L. Attram inter easdem distinctio tanta, ut desipiat Helvetius, qui in l. *l'Esprit* unam in homine Physicam sensibilitatem agnoscit.

LI. Vis imaginatrix partim cum vi sentiendi, ut n. 41. dictum est; partim cum vi attendendi, judicandi &c. communicat.

LII. Judicare autem, attendere, quamquam imperio voluntatis subesse possit; nihilominus proprium est mentis opus.

LIII. Reminiscencia a speciebus quibusdam spiritualibus nullomodo repetenda; sed neque a solo fibrillarum nexu, vestigioque retento: judicium propterea, aut ratiocinatio accedat aliqua necesse est.

LIV. Intellectus, seu ratio hominis distincta, communes, nulloque typo procusas sibi vindicat rerum notiones, & veritatum abitarum nexus. Quare priores, quamdiu vivimus, supponit virium actiones.

LV. Sed nusquam elucet melius activitas animi, quam dum ille statum alterum alteri præfert: Appetere tunc bonum propositum, aut malum averfari, aut velle, & nolle dicitur: ex quo voluntatis nomen. Voluptate, & dolore voluntas in actum erumpit: malum ergo, quod malum est, nequit esse voluntatis objectum.

LVI. Hæc autem si nullo rationis usu regatur, juxta percæptam boni vel mali sensilis vim operetur oportet: at ratione eidem præfulgente, idem objectum, ut bonum sensile, & simul rationale, malum proponi potest. Hinc duplicis appetitus differentiam, pugnamque intelligimus; licet una sit appetendi facultas. De affectuum natura, & disciplina commodius in Ethica.

LVII.

11
LVII. Quæcumque sit appetitionum oppositio, voluntas in pluribus libera est; non quatenus agat solum, aut sit a coactione immunis; sed quia nullo fæto, nulla physica, aut morali necessitate contringitur, quominus, habitis ad agendum prærequisitis, agere vel non agere, vel agere oppositum queat; quæ vera libertas est indifferentiæ, contradictionis, contrarietatis.

LVIII. Exploratis animi viribus: natura ejusdem clarius innotescit. Humanus ergo animus est substantia indivisibilis, simplex, inextensa, agendique potens, nullatenus vero iners; proindeque non est materia, ex qua scilicet corpora hæc nostra coalescunt.

LIX. Non eam cum corpore, quicum fuit conjunctus, aut cum hac rerum universitate relationem habet animus, unde inferendum sit stare illum sine corpore nequaquam posse. Perperam inde affirmant alii animum vere separatim iri, simulque deletum; alii non esse interimendum, sed nunquam a primæ conjunctionis organo separandum. Postremam hanc opinionem a Leibnitio propositam magno rationis, & revelationis abusu tueretur With, Carolus Bonnet, alique passim.

LX. Verum complures sunt Deam inter & animam relationes aliæ, ex quibus illam æternum servatum iri demonstramus. Demonstrationem confirmat etiam communis populorum consensus.

LXI. Sensus & analogia efficiunt, ut qualis in nobis est, talem in aliis quoque hominibus residere animum morali certitudine judicemus. Quid tandem de brutis?

LXII. Mittimus inane de spiritus appellatione litigium: pro ea, quam tutior analogia profert, brutorum cum homine similitudine, aut differentia statuimus 1. Inesse brutis animam plane incorpoream: 2. Eandem nihilominus esse ordinis admodum inferioris, quam humana. At nullam ne Deus condiderit naturam aliam incorpoream una cum humano genere communicantem?

EX PNEUMATOLOGIA.

LXIII. **P**UROS, qui creati sint, spiritus complectitur hæc Metaphysicæ pars. Equidem in his Revelatio locupletissima: Philosophia admodum jejuna. Quod tamen illa amplissime docet, hæc satis probabiliter populorum consensu, & vi rationis persuadet, complures videlicet haberi ejusmodi spiritus materiæ expertes, materiæ tamen commovendæ capaces, intellectum, voluntateque præditos, naturali etiam immortalitate donatos.

LXIV.

LXIV. Ex his aliqui sunt humano generi utiliter propensi; Divinæ propterea erga nos largitatis ministri, eoque sensu Angeli boni nuncupandi.

LXV. Alii contra existunt ad nostram perniciem proni, cultus Divini raptores, Dei perduelles, jure Cacodæmones appellandi. Eorum existentiam probant imprimis oracula apud Gentiles. Quidquid enim, duce Vandal, reclamaverint Galli, Italique recentiores; perstant adhuc momenta a PP. Balthus, & Honorato a S. Mar. producta.

LXVI. Præterea, licet nulla sit vera ars Magica; magi nihilominus extiterunt aliqui, viri videlicet, aut fœminæ, qui Cacodæmonum commercio uterentur.

LXVII. Idem plane dicendum de energumenis, quos omnes denegare indignum Philosopho est.

LXVIII. Spectra demum, ac lemures ab iisdem Spiritibus aliquando exhibita propugnamus.

LXIX. Novimus quantum hisce in rebus phantasia, aut hominum improbitas valeat. Leges equidem criticæ severioris adhibendæ; juxta quas ea, quæ apud Slavos *Vampir* dicebantur, inter probabiles mortuorum apparitiones haud recensemus. Jam ad supremum increatumque spiritum ascendimus.

EX ONTOLOGIA, ET THEOLOGIA NATURALI.

LXX. **D**Udum e re nata usi sumus Ontologia; præcipuas ejusdem notiones, ac theoremata in genesi idearum expendimus: duo nunc principia rationis nempe sufficientis, & contradictionis ad Theologiam convertimus. Igitur extare Deum, ut ens necessarium demonstrat certissima, quam quisque experitur, animi sui existentia plane contingens.

LXXI. Extare Deum, ut ens optimum demonstrat vera ejusdem entis possibilitas. Quæ duo penitus methaphysica majorem in modum illustrat Mendelssohn in diss. ab Accad. Reg. Scient. præmio donata 1763.

LXXII. Extare Deum, ut Universi effectorem evincit mundana rerum contingentium series, quam exhibent sensus: evincit motus, ac determinatus corporum status, certusque ordo: qua super re duo excogitavit Boscovichius omnino invicta.

LXXIII.

LXXXIII. Extare Deum sub notione multiplici demonstrat communis populorum consensus, quem esse veram naturæ vocem firmissime ostendit P. Hayer.

LXXXIV. Quæ omnia ut certius constarent, præter patentes Atheos; Spinozæ Pantheismum, ac mundi æternitatem præmature oppugnâvimus; quidquid insuper Maupertuisius, Montanarius, alique opponerent non quidem ut Athei, sed potius ut novi Atheorum hostes viderentur.

LXXXV. Ex idea entis a se, quæ Deo convenit, evidenti rationatione deduximus attributa Dei quotquot absoluta intelliguntur. Singillatim contra Polytheistas, Idololâtras, Materialistas Dei unitatem, simplicitatem comprobamus.

LXXXVI. Quoad attributa comparativa, Deus est unus mundi creator; quod est contra Manichæos.

LXXXVII. Deus ne dum in tempore, sed liberrime cōdidit mundum; qui propterea licet in genere suo opus perfectum sit; non tamen est absolute optimus: quod est contra Optimistas Leibnitianos.

LXXXVIII. Deus mundum assidue conservat, summaque providentia gubernat, futura libera præcognoscit; quin sibi miraculorum patratorum ademerit potestatem, vel defectus omnes impedire teneatur, aut causis liberis inferat necessitatem: quod est contra Deistas, Pyrrhonianos, Fatalistas.

LXXXIX. Deus est summe verax, impense beneficus, necessario iustus: non ergo naturam rationalem vel ad inevitabilem, absolutamque miseriam, vel ad necessarium, & communem errorem condiderit: quod iterum est contra multiplicem Deistarum, & Scepticorum classem.

EX ETHICA.

LXXX. **N**atura Creatoris, creatique hominis intellecta intelligimus unum Deum esse finem nobis ultimo præstiturum, quem insecutis, assecutis inchoata, vel perfecta obventura sit beatitudo.

LXXXI. Regulam ergo naturalem humanarum actionum directricem haberi oportet: hanc esse dicimus voluntatem Dei præcipientis, ut homo juxta ordinem sibi definitum operetur. Quare lex, aut jus naturæ existit perpetuum, immutabile, absolutum, universale, & moralem inducens obligationem.

LXXXII.

LXXXII. Jus in Deo legislationis, obligatio in hominibus obedientiæ non a sola irresistibili Dei potentia, aut Divinæ naturæ præstantia enascitur; sed ex dominio Creatoris, quem utique præstantia naturæ optimum efficit legislatorem.

LXXXIII. Vidimus legis ideam non esse innatam: non eam propterea vel per saporem moralem, ut censet Hume, aut per sympathiam, ut Smith, aut per solam educationem, ut Machiavellus, alique, sed ope sensuum, & reflexionis adipiscimur.

LXXXIV. At verum, adæquatum, ultimum hujusce legis cognoscendæ principium neque est appetitus servandæ vitæ juxta Hobbesium, neque physica potentia juxta Spinozam, neque sociabilitas juxta Puffendorfium, neque temperamentorum diversitas, nationum consuetudo, privata cujuslibet utilitas juxta placita alia Philosophorum.

LXXXV. Duplex apud nos est ejusmodi principium; alterum immediatum & proximum, recta nimirum constitutio, & felicitas naturæ humanæ; alterum ultimum, & primi fundamentum, ipse nimirum legislator Deus.

LXXXVI. Nulla ergo stare potest Respublica Atheorum, nulla-que Deistarum.

LXXXVII. Ethica huc usque communis. Officia hominis erga Deum, erga se ipsum, alios erga homines Ethicam particularem constituunt. Homo imprimis Deo debet officia mentis, Dei nempe existentiam, & quæ clariora sunt, ejusdem attributa cognoscere, æstimare, ut adeo errores contrarii jure naturæ proscribantur.

LXXXVIII. Deo debet homo voluntatis officia, laudes nempe, gratiarum actiones, fiduciam, amorem, reverentiam, legis observantiam, aliaque id generis, quibus cultus interior continetur.

LXXXIX. Se totum Deo debet homo ex animo & corpore constitutus; cultum propterea internum externis contestetur signis necesse est. Sic duplici cultus genere naturalis Religio consistit eo tamen usque progrediens, ut hominem completi jubeat si qua illi Religio divinitus esset revelata.

XC. At ulla ne Religio hominibus revelata? Aliquam sane hominum necessitas postulabat.

XCI. Quæ nam ergo varias inter Religionem revelata habenda est? Esto imprimis infallibile criterium, quod negativum appellatur. Nulla Religio, quæ rationi, aut naturæ legibus repugnat, a Deo esse potest.

XCII. A Deo tamen esse potest Religio, cujus dogmata neque aperte

15

aperte vera, neque aperte falsa rationis lumen agnoscat. Quomobrem mysteriorum intelligentia nequit esse positivum Revelationis criterium.

XCIII. Quare signa erunt alia a provido Revelante instituta; quarum evidentia nullum quidem prudens dubium relinquat; sed neque libertatem homini eripiat, qua Revelationem in Dei obsequium amplectatur.

XCIV. Ex his patet nullam præter eam, quæ Christiana dicitur, Religionem esse revelatam.

XCV. Officia hominis erga se alia animum, alia corpus, alia statum hominis externum spectant. Excolenda primo mens animi est rerum cognitionibus; quarum aliæ prorsus necessariae, ac lege naturali præceptæ; cuiusmodi sunt complura Ethicæ elementa: aliæ contra, ut scientiæ fere sunt, licet utilissimæ, minus tamen necessariae, minimeque omnibus imperatæ.

XCVI. Excolenda insuper voluntas est veri ac solidi boni electione. Voluptas, honor, divitiæ, si per se spectentur, neque bonæ moraliter, neque mala sunt: ex modo, quo usurpentur, vitium, aut virtutem contrahunt. Rectus autem modus is erit maxime, ut ea nunquam, tamquam finem prosequamur, sed tamquam medium fini attripendo accommodatum.

XCVII. Cupiditatibus permovetur voluntas. Porro cupiditates, aut affectus animi omnes ad amorem atque odium; & ad propriæ decum felicitatis studium revocantur. Hic est amor ille sui, quem aliqui nullo discrimine, bonoque jure tamquam malum traducunt. Quamquam enim amor iste in se unus sit; nihilominus ab effectibus, vel objectis dupliciter distingui potest: alter quippe quæ præpostera sunt petit, quæ recta sunt, averfatur; ideoque per illum nos metipsos diligimus in rebus specie dumtaxat bonis, re autem vera malis. Alter præstitutum rationis, & legis ordinem sequitur; perque illum nos metipsos in rebus illis amamus, quæ nobis pro Dei voluntate conveniunt. Itaque amor sui, ut jure probat Gerdil, optime cum legis observantia componitur; eoque magis ille perficit voluntatem, quo magis illum perficiat ratio, rectusque legum ordo.

XCVIII. Ex præactis demum principiis quid sit vera libertatis perfectio aperte colligimus. Læditur nempe libertas ignorantia, errore habitibusque in vitium pronis: perficitur cognitione, lege, multoque magis gratia, habitibusque in virtute obfirmatis.

XCIX. Corpori conservationem debemus; nefas igitur mortem sibi

qua-

quacumque de causa violenter inferre. Id Deo tantum jubente liceret: verum non temere putandum est cum tale quid imperare.

C. Vitam propriam rueri licet vel ipsa, si opus fuerit, iniqui aggressoris nece. Jus hocce defendendæ vitæ tamdiu in statu naturali cuilibet homini perseverat, quamdiu perseverat periculum juris amittendi; cessante autem periculo, cessat: In statu civili tamdiu perseverat, quamdiu peti a Magistratu defensio nequit.

Cl. Periculo vitam objicere gravioris mali effugiendi, aut majoris boni consequendi gratia licitum est; immo quandoque præceptum.

CII. Multo ergo magis licebit variolarum infectio, de qua tanta nunc temporis disputatio: infectiois enim periculum in diem fit levius, major in diem, ac certior ejusdem utilitas.

CIII. Inoculandi methodus adhibenda est, quæ a Cl. Gatti proposita jubet primo inoculandos nullo adhibito pharmaco debilitari: secundo inoculationem uno alterove acus ictu absolvi: tertio inoculatos aere uti, atque animo liberiore.

CIV. Ad bonum totius hominis statum faciunt fama, fortunæque sed physica ejusmodi bona quum non tanti valeant, quanti ipsa hominis vita, animique perfectio; patet hæc illis bona esse anteponenda.

CV. Hinc Monomachia, sive duellum privata auctoritate susceptum plurimo naturæ jure proscriptum est. Quod si pro Rep. suscipiatur auctoritate publica, & licet, & actus est fortitudinis.

CVI. Jam ad officia hominis alios adversus homines devenit. Non sibi solum factus est homo, sed etiam aliorum sibi similium, societati incumbens. Furor Hobbesianus est, qui naturalem hominis statum in mutuo bello constituit.

CVII. Sed cum triplex natura duce societas hominum instituta sit; propterea ultimam hanc Ethicæ partem cum La Croix *Traité D. Mor.* 1768. *Paris. Edit.* trifariam dividimus, ut adeo alia sit Ethices socialis hominum, alia civium, civitatum alia.

CVIII. Porro justitia & beneficentia, inquit, ait. Auctor, socialem Hominis Ethicam definiunt. Ne quemquam hominum lædas: præcipit justitia: in quo uno præcepta omnia societatis, perfecta, vel ut ajunt negativa continentur. Ergo nullius lædantur bona tum quæ ad animum, tum quæ ad corpus, tum quæ ad statum hominis externum spectant: neve lædantur cogitatione, voluntate, signis, silentio, factis, infectisque. Injustitiam singillatim ostendimus mendacii, seductionis, occisionis, detractionis, furti, sive rapinæ.

CIX.

CIX. Sed hæc eo latius patent, quo magis jura hominum excrescunt. Hinc in multimodam rerum dominij acquisitionem fuit inquirendum. Principio res omnes in communione negativa fuerunt; facta Humani Generis multiplicatione, a prima Homines communione jure discesserunt; atque inducta est lege Naturæ bonorum divisio.

CX. Ex hac divisione modi plures dominij primitivi, tum derivativi acquirendi extiterunt, videlicet Occupatio, Accessio, Divisio, Cessio, Traditio, Contractus sive gratuiti, sive permutatorii, Successio ab intestato, Testamentum. Porro conditionibus, quas cuique acquisitionis modo jus Naturæ decernit, delibatis; questio de Mari, Ludo, Testamento diligentius instituta.

CXI. Quamquam Maris dominium, atque proprietas absolute adquiri possit; Oceani tamen libertas usulque innoxius est juris Naturæ, & Gentium.

CXII. Rursus: quamvis nullum ludorum genus, in quo libertas, æqualitas, & colludentium fidelitas servetur, non sit in se moraliter malum; ludi tamen plures, in quibus ingens pecuniæ vis alex committitur, ratione ludentium, aliarumve circumstantiarum facile privatis, & societati nocere possunt, ipsoque naturali jure damnari.

CXIII. Demum etsi testamenta ex jure naturæ vim suam & efficaciam non obtineant; juri tamen eidem congruum est, ut rata servantur, ubi non pugnent cum felici Reipublicæ statu.

CXIV. Dominio triplex competit jus, dispositio libera, possessio, & rei vindicatio. Nullus ergo Dominus in libera dispositione impediendus, nulli Domino adimenda possessio, resque ablata Domino suo restituenda.

CXV. Quod tibi vis fieri, id alteri efficit: jubet beneficentia; in quo uno insunt præcepta omnia, quæ positiva, aut imperfecta dicuntur. Quare tutelam, opemque tum iis qui opprimuntur, tum qui necessitate laborant, jure naturali debemus; quin etiam pro ratione necessitatis, non solum innoxie, sed noxie, ut ajunt, utilitatis officia sunt persolvenda.

CXVI. Ex hoc præsertim loco notionem, & mensuram noxii luxus hauriendam esse arbitramur.

CXVII. Demum beneficentiæ lege tenemur humanitatis benevolentia, & grati præsertim animi significationem cuique præstare; atque ubi non omnibus præstare liceat, debita personarum, quas suo singulas ordine recensemus, distinctio adhibenda est.

CXVIII.

CXVIII. In naturali societate præter communem nonnullæ etiam naturæ duce peculiare constitutæ sunt societares: hinc peculiaria quædam munia suboriuntur. De his hæc habet. Conjuges sibi invicem fidem, & amorem debent: Parentes Liberis institutionem, & alimenta; vicissim liberi parentibus reverentiam; amorem; obedientiam, opem. Hæc eadem viget mutua inter consanguineos obligatio in ratione directa propinquitatis. Herus & servus sibi invicem debent quidquid justitia primum ex pacto, tum quidquid postulat beneficentia. Generatim neque conjugum in conjugem, neque parentibus in liberos, neque heris in servos jus vitæ, & necis competit, nisi fuerint simul imperantes.

CXIX. At propter majorem humanæ vitæ commoditatem, securitatemque effectum est, ut homines libertatis, ac naturalium juriū parte sese abdicarent; atque hinc ex juribus abdicatis, ex abdicantium voluntatibus, ex viribus in unum conspirantibus civile corpus confurgeret uno jure, unaque vi gubernandum: hinc homines facti cives, Ethicæque civilis legibus obligati.

CXX. Non una est civilis societatis forma; quæcumque tamen fuerit, omnis tandem summorum gubernantium potestas a Deo societatum omnium Gubernatore promanat: ex quo triplex nascitur officiorum genus.

CXXI. Civis quilibet suos erga concives communia perfecti, & imperfecti juris officia peculiari ratione persolvere, civicas vero leges diligenter exequi, immo ex publico civitatis bono tum sui corporis animique perfectionem; tum etiam bonorum externorum usum moderari tenetur.

CXXII. Civium omnium erga summos imperantes muneris est, ut fidei constantiam servant, ut probatissimum amoris, honoris, obedientiæ specimen omne exhibeant, ut gloriæ quoque sibi verant non solum pro Religionis, & Civitatis, sed etiam pro Civitatis imperantium defensione mori.

CXXIII. Gubernantium potestas triplici vi constat, Legislativa, nimirum, Judiciali, Executrice, seu jure belli & pacis: totidem inde officiorum capita huic omnia innixa principio, quod potestas tota ad societatis bonum collata est.

CXXIV. Quare Legislatori in legibus condendis id maxime cordi sit, ut bonum in quamplurimos redundet: in legibus vero criminalibus satagat ille, ut poenas delicto, delictum damno societatis dimeriatur. Judicialis autem potestas tunc rite exercetur, cum sententia juxta legum statuta a iudicibus feratur.

CXXV.